

Uunga siunnersuut: Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaata allanngortinneqarnera pillugu Inatsisartut inatsisaat nr. xx, xx. xxx 2018-imeersaq

Akissuteqaat

(Aningaasaqarnermut Nunanilu Avannarlerni suleqatigiinnermut Naalakkersuisoq)

Aappassaaneerinnineq

Inatsisissatut siunnersuutip suliarineqarneranut atatillugu Aningaasaqarnermut Akileraartarnermullu Ataatsimiititaliap peqqissaartumik suliaqarnera Naalakkersuisut sinnerlugit qujassutigaa.

Naalakkersuisut nuannaarutigaa Ataatsimiititaliap isumaqatigiittup siunnersuut tapersersormagu.

Naalakkersuisunit oqaatigineqassaaq pisortat ataatsimoorussamik IT atorlugu aaqqissuussaannik pilersitsiniarluni kommunit qanimut suleqatigineqassammata. Tamatumalu ilutigisaanik missingersuutinik oqimaaqatigiissaarinissamut tunngavissamik nutaamik aalajangersaanissaq Naalakkersuisunit salliutillugu sulissutigineqassamat ilimasaarutigeriissavara.

Taama oqaaseqarlunga siunnersuut saqqummiunneqartoq taama isikkoqartillugu inaarutaasumillu akuerineqartussanngorlugu pingajussaaneerineqassasoq Naalakkersuisut sinnerlugit inassutigaa.